

中國地方志集成

浙江府縣志輯⑥8

康熙遂昌縣志

光緒遂昌縣志

同治雲和縣志

江蘇古籍出版社 ● 上海書店 ● 巴蜀書社

遂昌縣志序

今

天子統一區宇聲教四訖海

甸徼荒梯航而至從古

序一

幅幘未有如此其廣也

爰

詔直省各以誌書上之史官

以資修輯兩浙風土人

物由來稱盛至明季山

海交訐其爲耆定惠保

殆難言之矣我

國朝定鼎經綸布濩其風

序二

土人物漸次復古戊申

冬先忠貞公來撫茲土

四載之中頗稱况瘁浙

東地多荒蕪官民交累

不辭險阻按縣履畝踏
勘得實具聞於

上蒙

恩豁免浙民至今猶德之越

序三

四十有四年余濫叨

聖恩督視閩浙遂昌令繆之

弼重修縣誌乞弁其首

余惟文章之大者在史

其次莫如志蓋以志也

者上攷星分下窮地理

中道人事星分與地理

往籍可憑也至於田賦

序四

戶口有增損學校公署

有興廢城池關梁兵防

有修補名宦之遺愛必

彰往以昭來人物之鍾

秀必借賢以勵愚官職
之爵秩必敘選舉之芳
名必登賢儁隱逸之著
作必載標孝義使人敦

序五

品行闡貞節使人企壺
德詳物產知土地之宜
紀風俗知習尚之正卽
羽化杯渡曲藝寸長皆

序六

得以名著其爲人事不
知凡幾矣不謂繆令攜
撫編次巨帙細叩如髮
櫛綿貫其殆以太平休
暇鼓吹一代之休明乎
因走筆如其請其亦曰
思報

國恩獨有文章爾繆令勉

乎哉

皆

康熙五十有一年歲次

壬辰一陽月中浣之

序七

五日


總督福浙等處地方軍

務兼理糧餉兵部右侍

郎兼都察院右副都御

史加一級紀錄十三次

奉天范時崇題



序八

遂昌縣志序

我

國家車書一統聲教所被

南朔東西無遠弗屆幅

序一

員之廣玉帛之盛駕三

代而軼漢唐矣

皇上既

詔直省各以郡縣志進館局

脩修輯近復

命廷臣輶軒四出繪薄海內

外輿圖將著爲信史納

八荒於尺幅置九有於

序二

片幘密勿之思慮深長

宵旰之經營遠大於以

宏億萬年無疆之休裕

千百世有道之祚者也

兩浙星分斗牛環山瀕
海據三吳上游巖壑靈
秀戶籍蕃庶英賢輩出
爲東南一大都會余於

序三

庚寅冬恭膺

特簡來撫是邦所轄十有一
郡察其土有肥磽賦有
多寡民有淳頑政有繁

簡固未可以槩論若括
蒼則僻處萬山深林叢
箐最易藏奸閭閻耕鑿
而外罔識其他遂昌一

序四

邑又界在郡之西鄙崇
岡複嶺詰曲逶迤鳥道
羊腸尤稱險隘矧地逼
三衢越僊霞關卽與閩

壤犬牙相錯其間藝麻
蒔者多非土人性不易
馴誰曰彈丸黑子而可
驟臻上理乎故子丑間

序五

有萑苻奔突之患聞繆
令之弼涖事甫旬日能
躬率鄉勇運籌捍禦協
力殲平之年來息事清

序六

刑地方寧謐其無忝厥
職可知矣茲繆令修邑
志旣成請序於余按遂
志從順治甲午校讐後
迄於今幾致漫漶無可
考繆令不憚况瘁黽勉
重新始自輿地終於雜
事別爲十卷每卷之下

復臚列諸條準今酌古
綱舉目張覽其辭約而
該徵而信是足以傳矣
余因之有感焉夫作宰

序七

之道必使一邑之山川
文物風會變遷瞭如指
掌洞若觀火然後施諸
政事中其肯綮迎刃而

序八

解苟不講求有素胥鮮
成竹則催科何以使之
不擾訟獄何以使之無
聞田疇何以使之盡闢
學校何以使之振興風
俗何以使之敦龐盜賊
何以使之消弭一切因
革損益興利祛弊之法

序九

瞀然無知其何以異於
學製錦哉今繆令之治
遂也建義學清租田新
黌宮脩祭器崇祀典修
橋梁補荒課使其民知
誦詩讀書尚禮好義皆
得爲政之要雖然繆令
母以此自詡朝軋夕惕

序十

孜孜以民瘼是求志所
稱臨川諸君不難與之
頡頏上下而後此之執
筆者且將書其蹟以勵
後人彰黼黻於今時著
循良於異代豈不甚偉
是不徒於蠹蝕之餘揮
毫揆藻侈文字之觀而

已也

晉

康熙五十有二年歲次

癸巳前五月端午後

序主

五日

巡撫浙江等處地方提

督軍務兵部右侍郎兼

都察院右副都御史加

三級王度昭撰



序主

序

予按舊志載前明崇禎間閩
寇流入遂之茶園當事者命
官舉兵平之遂議析遂之石
練爲練溪縣陞遂昌爲平昌

劉序一

州并龍泉隸焉已而不果予
待罪茲土十有五載屬邑之
情形風俗皆稔見聞之遂固
巖邑也界接閩豫居多異籍
所業者藝蔗畝采鐵故多聚

徒衆而不能無爭鬪地皆崇

山遂谷尤奸宄之所易匿防

維必嚴洵宜急講若如議者

之說一改易州縣間遂足以

盡防維之善歟向己丑冬狼

劉序二

豕自衢郡竄入幸有備不得
肆其毒事旣聞

天使暨撫鎮來勘予實滋愧身

爲十牧之倡不能弭此小醜

上厓

聖懷尸素之責其又奚追當是時
繆令蒞邑事纔旬日董率鄉
勇設策保禦得以草薶而禽
獮之無所遺漏既又撫輯其
良善煦濡教誨一以爲慈母

劉序三

一以爲嚴師及今三載環邑
之衆以安以樂戶不假鑰予
之所不逮惟繆令是賴政旣
成且修舉廢墜入其境耳目
煥然一新若邑之舊乘曠不

續修者六十年爰不吝捐貲
設館局訪耆碩之見聞嚴事
蹟之冒濫華不過其實質復
著以文自地輿迄雜事凡十
卷其中序次攸宜上足以揚

劉序四

國家之太平休暇下足以維一
方之人心風俗前徽不泯後
型且昭復於其剗劂將竣請
序於予余惟修志之難等於
修史今厥有成績若是其公

與斷亦約畧可觀也繆令惟
勉爲之不已其於遂也已安
若未安已治若未治則災青
無侵禎祥自發氣運昌而人
文盛其足以爲後乘光者不

劉序五

更於繆令是賴歟予故樂得
而爲之序

皆

康熙五十一年壬辰菊月上

浣日

中憲大夫知處州府事加一
級遼海劉起龍霖菴氏撰



劉序六

郡守心盤王公遂昌縣志舊序

今年夏秋際余方憫旱旰夕虔步以禱平昌之志告成又請序於余余慨然曰民生用阜山川如故而所以保釐茲民生莫麗彼山川者厥惟我平昌爲郡之西南陬余昔之三衢道經焉見峰巖秀哉而差我聽湍流震渌而揚波駭然曰將古人之磊砢而英多者其在是乎又閱試牘見文風秀拔時有傑出彥以挺角風簷余益信山川之靈長歎怪其壤地編小孟蒼颯翠鳥能以奮振若此今閱志始知之遂四鄉所

遂昌縣志

舊序

一

王

牙制而表延者西與北且百數里其人之藏修而嬉好者亦遑遑以丘壑間見奇出而撫翼雲衢者又多採芳窮巖受然而鳴鳴則驚人故文英煥乎擬括郡其間奇節之善士霜立之孤茆與山川全不朽者亦又比比而是今以閩寇不靖蹂躪庭戶昔也震隣今且剝膚廬舍蕩矣財賦難問也矜農流矣緇黃難覓也塲圃鞠矣金碧無輝也流離不減於監門圖矣卽有英多之人烏能保雞黍之雋業以與風簷角哉此余以民生山川猶昔而不能無保釐莫麗之嘆也雖

然士民之望治猶余今之望雨適序成卽曰天心憫茲下黎沛然大澍倘山中寇亦猶茲雨不崇朝而殲滅殆盡則謳歌太平嬉遊懷葛直轉暇事耳余又於斯志三致意焉順治甲午中憲大夫巡撫州府事陽城王崇銘序

遂昌縣志

舊序

二

王

舊遂昌縣志序

余自隆慶丁卯春以戶部尚書詔來守括郡人其境見峰巒聳翠盤鬱差峩民物相與環麗其間慨然有起敝維風與民更新之意既而歷覽圖籍按十邑之分封省民俗以制治廼知封域之寥廓山岡之攢簇窮厓遐谷有人跡鮮能到者矧遂隸西鄙寔衣冠人物之區甲科之後先相望者與他郡爭衡其山川形勝甲於全省通年以來礦徒出沒莫可底止若有所恃而然者使不有以志之司民牧者將何以觀風悉

遂昌縣志

舊序

一

李

隱而措之裕如之治哉余用以爲懼日思與共事者圖之越明年戊辰邑令池子浴德蒞以告則業已就緒矣首敘天文地理王制以立三才繼以人物終以外志凡若干卷因請於余爲之裁訂評騭而命諸梓余曰善哉此余之所欲爲者也夫六典不作無以考周圖籍不收無以知秦郡邑之志所以不可無也余素知子潔已愛人慮周而才通不暮年而庶務效勤邑志亦緣是以成披而閱之於其申施彰理可以觀政擴蘊渾聚可以觀學持例舉凡可以觀才摘精按

準可以觀文考規承則可以觀舉一志而衆善脩焉

子之用志亦殷矣是志也而豈徒哉察三才之並立則知法理之宜察土產之滋生則知畊織之本察山川之形勝則知文武之興察戶口之登耗民風之淳漓仕籍之煩簡則樽節愛養鼓舞激勸之意又若有躍然動者豈徒志哉復按圖而觀若陟嶧山峙流險要舉在目中而該縣之池郭不完則又慨然而懼曰是不可不思患而預防乎則是志也余以是益嘉子用志之殷而能成余之所欲爲者也遂固古平昌邑而

遂昌縣志

舊序

二

李

志則自今日始豈昔以爲無益而略之耶抑亦以爲未暇及此而遺之耶吾知子必深以爲憾矣此志之所以成也雖然志成矣顧自六朝宋以迄今官師蒞邑者旣書其名又書其字又書其鄉貫履歷將使後之人指其名而議之曰某也廉某也貪某也仁某也酷某也正大某也回邪某也非之公不在董狐之筆而在直道之人心矣然則志之成也將不爲勵世之書乎令拜手稽首曰然德承命矣敢不勉哉請書之端以爲序時